



Inatsisartunut ilaasortaq
Tillie Martinussen
Samarbejdspartiet - Suleqatigiitsisut

**Atornerluisoqarsimasinnaanera pillugu § 37 naapertorlugu apeqqut nr. 262/2018-
imut akissut**

Brevdato: 09-10-2018
Sags nr. 2018 - 20068
Akt id. 8872020

Inatsisartut suleriaasianni § 37, imm. 1 naapertorlugu apeqqutit matuma ataani
allassimasut Naalakkersuisunut saqqummiuppatit. Apeqqutitit uannit
akineqartussanngorlugit innersuunneqarput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1. Sulianik ingerlasoqarnerluni Naalakkersuisup ataatsip
Naalakkersuisulluunniit arlallit pisortat aningaasaataannik
atornerluisimanerat pillugu?**
- 2. Massakkut misissuisoqarnerluni Naalakkersuisup ataatsip imaluunniit
Naalakkersuisut arlallit kreditkortimik inummut
atugassanngortinneqarsimasumik atornerluisimanerat pillugu?**
- 3. Sulianik ingerlasoqarnerluni Naalakkersuisup ataatsip
Naalakkersuisulluunniit arlallit arlaatigut pisortat aningaasaataannik
atornerluisimanerat pillugu?**

Ataatsimut akineqarnerat:

Naalakkersuisut sinnerlugit apeqqutit pingasuusut tamaasa naaggaarlugit akivakka.

Aammattaaq apeqqutigineqartunut akissutinut ilassutitut paasissutissiissutigisinnaavara
akissuteqaammi nammineq isummani pillugu naatsumik ima nassuiaasoqassasoq
Peqqissutsimut, Isumaginninnermut Inatsisinillu Atuutsitsinnermut Naalakkersuisoq
qinnuiginnimmat:

*"Ilinniartitaanermut, Kultureqarnermut, Ilisimatusarnermut Ilageeqarnermullu
Naalakkersuisuunerma nalaani biilnut naalakkersuisoqarfimmi sulinnermut atatillugu
atorneqartussanut atatillugu kortit benzinamik pisinnermut atorneqartussat
naapertuutsumik atorneqartut 2017-imi ukiaanerani paasineqarmat ilanngullugu
oqaatigineqarnissaa naapertuuttutut isigaara.*

*Pissutsit taamaannerat paasigakku kukkunersuisartut suliffeqarfiat Deloitte
ingerlaannaq qinnuigaara suliaq avataanit misissoqqullugu. Tassunga atatillugu
naapertuutsumik atorneqartut 6.855,45 kr.-t missaanniittut Deloittemit
oqaatigineqarpoq. Tamatuma kingunitsiannua inummit kortimik naapertuutsumik
atuisimanerminik nassueruteqartumit aningaasat taakku utertillugit akilerneqarput.
Ilanngullugu oqaatigineqarsinnaavoq inuk uanga inoqutima avataaniittoq pineqarmat.*

*Pisoq taamani Ilinniartitaanermut, Kultureqarnermut, Ilisimatusarnermut
Ilageeqarnermullu Naalackersuisoqarfimmit politiinut nalunaarutigineqarpoq.*

*Aammattaaq tamatuma saniatigut suliaq pillugu ulloq 14. november 2017-imi aammalu
Deloitte misissuinerata inenera, tassungalu ilanngullugu ulloq taanna
Naalackersuisoqarfiup politiinut nalunaarutiginninnera pillugu ulloq 24. november 2017-
imi Kukkunersuinermut Ataatsimiititaliaq ilisimatippara. Aammattaaq suliaq pillugu
Naalackersuisut Siulittaasuannut Naalackersuisunullu ilisimatitsissuteqarpunga.*

*Tamatuma kingornagut pisuutitaasutut pineqartup orsersornissamut kortimut
Namminersorlutik Oqartussanit pigineqartumut atatillugu paasissutissanik
atonerluisimasutut eqqartuussivimmi pisuutinneqarsinnaanera politiinit
ilimagineqannginnera tunngavilersuutigalugu pasilliut taamaatiinneqartoq politiinit
naalackersuisoqarfigisimasannut ilisimatitsissutigineqarsimasoq paasitinneqarpunga.”*

Nassuiaatigineqartumut apeqqutigineqartunullu annertunerusumik immikkut
oqaaseqaatissaqanngilanga.

Inussiarnersumik inuulluaqqusillunga


Vittus Qujaukitsoq